

西浦集  
乾

五古  
七古  
五律  
七律

五絕  
七絕



集浦西



今有處乎富貴而不為富  
貴所囿行乎患難而不為  
患難所窒冲乎其不盈悠  
乎其與逝以此終其身而無  
累焉則豈非得天地清通  
之氣者乎若然者其性靈  
所蘊必其玲瓏穿穴與物靡



隔而其數為文辭亦將有動  
觸天真不期工而自工者矣夫  
不期工而自工斯清通之所以為  
妙而在文章特可貴重此西  
浦金公文集之謂也昌翁窮  
居無事竊嘗以世道人物為  
念於山林高尚之跡猶有以不



滿於意者出而欲觀采於朝  
中則陷之者皆怵迫德也於是  
益思夫佩玉而心如枯木遇坎  
而視若安流者而未知其孰當  
之也噫九原可作其惟我西浦  
公乎公胚胎於詩禮忠烈之餘  
光其為氣固純淑無滓而養



之又一以恬素則不勞刮磨而  
神明達矣若其地望之清崇  
典其所有文學才識風猷言  
議則蓋無一事不勝乎人者  
此其勢不期於驕客而驕客之  
至為易及夫歷敷華貫煥顯  
卿月左文衡而右兵柄則此所



謂爵祿並至無受人益之為  
難而然公之處之也不為其易則  
退然處子之畏人也必克其難  
則悍然孟賁之莫奪也此眾  
人之所驚伏皆以為莫及而公  
又蕭然於能召難易之外不  
以為事者則以其所秉者冲



所鑒者澈初不見物我之畛  
與身世之礙爾是以挹其貌  
只是一段冰玉金紫而置班  
行年一然值而不知其為貴人  
也若與之登山臨水也蓋逍遙  
乎名塗黨目之中而雌黃  
莫及雖在怨家凶人初不敢



相赫而特以其當門芝蘭不  
容於不鋤以故桁楊桎梏之  
相仍而遂以沒於瘴烟魑魅  
之鄉此國人之所共悲殆甚  
於汨羅者也而若公之所嘗自  
述則有異乎牢騷憤懣以其  
所無可奈何者委諸皓天以



其所不可不勉者期之桑榆一  
編朱書家學是得斯文憂  
患之意嗚呼其悠哉際公所  
以安身立命者自本至末惟  
一清通而已故在富貴在患  
難能轉其富貴患難而不  
為富貴患難所轉其大者如



此則雖餘事末孰何莫求  
此箇骨中流出耶公識解  
類透瀆難盡甚易自經子要  
義至九流諸方技美數律  
呂家律與地之屬墮即洞  
解其竅節而精而坐聃同  
異之際出有入無粗而裨官



小說之叢談天彫龍靡不歷之  
貫穿至於風雅源流典時  
代相升降則尤所擅也其  
詩源清而調圓不假排比而  
冥叶絲竹於其韻折悠揚  
處性之有文綸緒風之態於  
文自以冰長平生只數三作



實則行餘善性復其大夫人  
行狀悽惋有就表叙致若  
吾弟澤齋跋則又似梅江諸  
集序是亦曷嘗總之求合  
於六一能度哉天機之數固  
有所會而能事至此亦可以  
無憾矣乃公歆然若虛不以



為有難家人兒少言及之作  
輒駢然愧色甚矣夫公之為  
謙也公之滋鎮華山甫氏為  
義城宰將以遺稿若干卷  
入梓所謂西浦集自此大播  
於世矣以公雅意其謂斯何  
在後死政自不待不爾至命



昌翁為序則是亦不可以已  
者乎業已為之矣而終不能  
無言然於平日所貴重者猶  
不敢盡情贊揚亦惟公之謙  
挹於此尤甚焉爾

崇禎紀元後壬午安東金

昌翁序







西浦先生集卷一

五言古詩

雜詩四首

天子在昭陽  
昭儀同匡床  
容華若桃李  
肌膚自生香  
年年侍君王  
歡樂殊未央  
却笑武皇帝  
虛求白雲鄉  
白雲在天上  
須臾變為蒼  
寵愛難久恃  
人事不可常  
羨哉班氏女  
千載流芬芳

其二

客從西方來  
驅馬入臨淄  
臨淄七萬戶  
朱甍相參差  
平明九門開  
車馬自追隨  
金鞍照通衢  
翠蓋時踟蹰



殷殷復轟轟皆入孟嘗家孟嘗敬愛客食客多如麻  
客有善鷄鳴函谷夜半開強秦為割地英名振八垓  
奈何馮先生彈鋏歌歸來

其三

南山何鬱鬱蔓草萋萋更碧春風動地起百花零如雪  
陰雲在高天不能成霈澤哀哉彼下民力盡稼與穡  
秋收盡入官藜藿常不足

其四

下庭採芳草零露何瀼瀼芳草雖可愛畏此露衣裳  
佳人在遠方羅帷失輝光我欲徃從之畏此他人言



嘒彼參與商胡為隔晨昏悲來獨長嘯餘響入青雲  
願為雲間月流光照我君君回未可期妾心徒自勤

### 暮春

暮春暄氣敷草樹繞我廬捲簾望時景觸目皆可娛  
白雲散遙岑初日滿平蕪竹抽嫩綠排桺謝殘紅鋪  
圓荷出綠波嘉木蔭清渠惠風從東來谷鶯聲相呼  
安得故人詩永日時卷舒

### 日氣甚熱午後有小雨頗清爽

幽客欣春暖暇日陟林丘苦被春氣惱憇來枕石頭  
景晷林影轉鳥雀爭啁啾微雨颯爾至青山雲氣流



日色隱高柳四野輕陰周平蕪綠如染極目風光浮  
願言酌春酒聊以撥春愁

擬古詩

戚戚背鄉國去去即脩道音容曠千里行役使人老  
自君違重幃晷景倏如催翩翩南鴈翔嫋嫋秋風迴  
時物若循環子行無前期清霜墮野木落日在征衣  
江漢日東流安知游子悲願愛千金軀庶慰居者思

其二

皎皎紗窓日馥馥金鑪烟娟娟燕趙女素手弄朱絃  
新聲既裊裊幽思亦緜緜問子安所思所思在南楚



一別經九秋嬌顏能幾許

其三

白日出扶桑靈曜正中天迴風吹之去奄忽沉虞淵  
吾人瀛海內百年亦須臾終當詣塚頭不樂更何須  
睠彼長安道佳麗無與俱歌鐘四面起車馬亘長衢  
彈箏奏清樂旨酒傾金危無為守窮賤但使識者嗤

其四

高臺出雲中璇房對金屋羅帷捲流蘇綉戶文紗綠  
中有織錦婦擲梭指如玉盛年甘辛苦為此遠行客  
月出深閨靜夜永聲轉促浮雲為凝結行路盡悲酸



不怨機杼苦所悲關塞寒願為隴頭月夜夜照君顏

其五

銀燭明華筵金罍列中堂絲管吐清音主客皆盡觴  
中有雙美人長髻垂夜光起舞越羅衣矯如白鵠翔  
含情竦輕軀徙倚久彷徨朱顏不恒居為樂須芳時  
君如不信我往觀北邙陂

其六

翔風鳴枯草霜鴈何翩翩白露洗秋空新月清光懸  
病葉方辭柯時菊各爭妍節序逝不淹壯心怨暮年  
帝里多新貴草澤多遺賢令色競自容貧賤誰相憐



東井無轆轤天漢未灌田

其七

珍木生苑中枝葉何煌煌上有並蒂花中棲雙鳳凰  
佳人惜年華對此懷苦腸素手攀青枝終然涕霑裳

其八

平原莽浩浩山樹際空碧霜飈掃炎蒸病葉日以積  
二耀迭為光陰陽互變易蕪葑懷伊人址風咏同車  
人生貴適意安用戀故墟美人處空谷容顏嬌如葩  
長裾佩明珠皓齒揚清歌調高世所希郢人安足多  
願言從之遊之死矢靡他



其九

婉婉春陽節花鳥競芳菲  
虛牖閒無人習習風捲帷  
夫婿愛游衍去年之邯鄲  
悅豫春花艷棄置琴瑟歡  
日暮叢臺路歌舞尚未闌  
慙慙懷內憂拊心向天嘆  
妾有錦字書燦爛成文章  
箴之篋笥中經歲愈芬芳  
願假高鴻翼寄聲雲路長

其十

朗月照中庭清輝薄羅帷  
綺席金波散花叢白露滋  
樹上棲禽聒床下吟蛩悲  
離居當此夜安得不愁思

仁慶宮後苑椒泉



地媪釀靈竒茲泉擅精英液本坎六秘性因商金成  
潺湲滾珠碎泓渟涵鏡明味方蜀椒烈氣與水井清  
洗濯已百疾倉扁功莫呈委流絕淤泥發源托上京  
色混沁水影波連銀漢橫散下御溝水蕩漾鳳凰城  
吾聞虞夏盛醴泉應時生縱有如飴甘未著愈疾名  
地寶豈虛出皆由 吾王誠萬歲奉 東朝巡遊樂  
太平

伯氏直春坊閱月詩以呈之

的的雪相照夜永風不息懽懽勞寸誠云誰慰離索  
緬惟捧芸編銅樓趨日夕炳炳丹青言可以當獻曝



案上有文史盤中有首宿平生舌耕意曾不為口腹  
所嗟離別久坐見冬春易伊彼昔人悲每恨山川隔  
云何咫尺地會面不可得沉沉禁樹靜引領望青閣  
觚稜凌中天碧雲生暮色上春寒尚緊君子寔焉若  
馳思想寢興結夢念餐食思深既成疲夢好亦難數  
棄置勿復道無乃兒女惑勗哉追前修相期永無斁

題李子輝白沙錄後

名光  
稷

觀濤拔筆艷泛海謝句清廣陵既流聲赤石亦擅名  
地應須哲匠天或慳善鳴君興百代下振轡追前英

其二



弱冠負奇才綵服仍勝域姑潭俯泓渟首山凌犖确  
愧乎陰豎宅悠哉清士跡信美未云足一筇窮西極

其三

並海富靈異金沙勢最奇夜色連星芒朝容嗣月輝  
海寒天風起忽若褰長帷復疑千玉妃飄飄雪爭飛

其四

岿岿梵王宮何年託孤絕登樓御標軒朝夕見溟渤  
玄冬蜃氣消極目琉璃濶日落層瀾外萬里繁陰發

其五

婉婉同袍子開樽共登臨漣漪洗華月霽霰燭窮陰



令儀森映玉高言競擲金浩蕩文章事寥落滄海心  
其六

聞說登仙者於此駐雲節金丹方已秘玉簫鄉音久歇  
浦思翔禽呼風悲紫氣滅褰裳我欲從積水不可越  
其七

璨璨越客珠贈我非暗投自從入懷袖光耀常夜浮  
和慙羊何共期慙向禽遊漫勞莊生蝶春來遍西州  
素沙

大野濶百里日月沒其中我行自南來忽復迷西東  
曾聞漢飛將於此樹奇功雄圖不可見征衣遡天風



登僧伽寺後峯

攀峻嫌葛弱躋險畏石滑  
回回數里間忽作千萬折  
步步身漸高雙眼轉敞豁  
茫茫原野開鬱鬱崗巒列  
亂山朝京國百川輸溟渤  
落日當海門天水赤如血  
雲霞相送迎島嶼互明滅  
所嗟塵事迫無由遲明月

送崔周卿佐幕嶺南

名後尚

涉世余寡合同病子相憐  
正坐慵疾并而令幽思牽  
偏側青門道宿昔夢嬋妍  
何況今朝別行當隔山川  
鳥嶺際天起火雲屯其巔  
離愁將洛水千里共綿綿  
彈作鳳凰調冷冷動哀絃  
回飈忽間之中意鬱未宣



清時貴讜議臺閣須才賢南樓有明月信義莫留連

石鼓課製

六籍久已灰片石獨千古眷眷韓蘇氏摩挲良亦苦  
豈伊耽虫鳥爲是宣后鼓願將車攻義一爲陳明主

端川節婦詩

節婦名逸仙端川官妓也本郡報其節行禮  
官以素賤抑而不旌豫讓不死於范中行而  
死於智氏先儒奚取焉其言不曰士爲知己  
者死乎余時爲儀部負外蓋嘗陳以此義退  
而綴其行實以爲歌詩庶幾樂府所錄秦羅



數焦仲卿妻詩遺意云

皚皚黑山雪鮮鮮濁水蓮皎皎青樓婦自名為逸仙  
逸仙小家子初不學詩禮感郎一顧恩本無衿帨誠  
郎為上舍生家在京城裏妾為端州婢去留不由已  
喔喔晨鳴鷄燭燭晨明月蕭蕭征馬嘶行子侵晨發  
逸仙送上舍相送雲嶺頭嶺頭有流水各自東西流  
流波日以遠千里復千里上舍謂逸仙此別如此水  
盛年不可棄空床難獨守宛宛楊柳枝一一行人手  
善事新夫婿時時懷故人逸仙含淚說此言何忍聞  
同居二年餘妾身猶君身兩身雖可離兩心不可分



竹死節不改藕斷絲相連啓我含貝齒破我春葱指  
滴我丹砂血寫我香羅袂妾心不可渝血書不可滅  
逸仙不顰蹙上舍為嗚咽委委頭上髮剪作同心結  
報爾千金意纏綿無時歇唧唧復唧唧此意難重陳  
生人作死別行路亦悲辛春山多薜蘿春海烟冥冥  
朝亦望君行暮亦望君行望望不見君佇立久彷徨  
按使從西來玉節何煌煌璽書在馬頭道路自生光  
按使飭無驅檐帷暫踟躕將為問謠俗抑為戒畏途  
按使無所問按使無所戒恍然若有覩中心自歡喜  
太守敬按使飾妓侍中房址方出傾城東鄰進名倡



室內贈羅襦小衙脫明璫相將理雲鬢為爾整紅粧  
胡姬奉玉觴秦女扶錦瑟莫愁最嬌少橫陳薦枕席  
按使不顧眄中心別有屬慚沮嬌顏頰太守心惕息  
桓桓帳下兒能識主將意密附太守耳云云復爾爾  
太守坐黃堂號令如風雷喧呼動閭里急如星火催  
謂言點行兵乃反覓逸仙逸仙謝差人不幸惡疾纏  
衆人所厭避况可侍貴人差人還致辭一如逸仙言  
未回太守意反觸太守嗔阿母心煩惱曰兒一何愚  
生為娼婦身悅已人盡夫雖為人所賤亦為人所憐  
何況侍按使平地登神仙非但榮汝身足以光吾門



逸仙但唯唯懸知難與言  
潛身向井欄脫屣赴清淵  
阿母驚且諄里巷爭來救  
太守聞之歎按使顏為厚  
道路相與言此事未曾覩  
小閣何沉沉端居類結夏  
朱絃凍泉凝脂粉殘花謝  
朝朝啓箱篋珠淚雙雙結  
篋中亦何有有郎頭上髮  
如何九秋霜染此綠雲鬢  
見此心內痛心知人事變  
客從京洛至遺我一書札  
開緘讀未竟長慟肝腸絕  
上堂辭阿母下堂理行裝  
東市賣金釵西市賣羅裳  
南市買苴杖北市買葛屨  
兒今自有天兒身非母有  
阿母不得留里巷但悲傷  
朝越咸州關暮渡城川江  
肌裂朔野風足瘞鐵嶺霜



望見東郭門痛哭穿衢街京洛百萬戶何處是君家  
路從相識問君家誠易知外庭設柳車內庭設素帷  
遠行已有日親賓紛雜沓上堂拜尊姑慈顏忽不畢  
咄汝何用見兒病爾為祟入閨拜女君面壁不迴視  
妖狐禍人家爾來更誰媚逸仙不敢謦進退無顏色  
潛身側女僕戮力供眷汲臨深不敢蹕履薄不敢息  
懽懽服勞苦庶報郎恩德家人共嗟歎尊姑顏為怡  
吾兒既不幸所愛如見兒女君心為轉後悔猶江記  
同是未亡人相依唯我爾逸仙長跪謝感極千行淚  
賤人奉明恩雖死且不朽春露何團團秋霜被草莽



喘嶮土却陂纍纍四尺墓朝挹澗中水暮攀松栢樹  
妾淚樹可枯妾恨城可崩慟哭流泉咽哀響散青冥  
羈禽為朝晰孤獸為跼顧行人盡回首駐馬不忍去  
苦節世所希姬姜亦不如多謝秉筆人戒之慎勿踈

李持平載仲挽詞

名敏采

題挽淚霑臆憶昨相知新同榜盡才彥惟子最情親  
往歲月在申聯步趨臺席周旋未云久子捧安陽檄  
跂彼祖江潮日夕上龍山相看俱黑頭不道前期難  
沉吟禁花殘碧雲生暮寒青葱玉樹色不共義人看  
憐君病緣酒勸君細細斟尚恃君方壯愧負苦口箴



麴蘖豈其崇脩短信由天疑疑九畹草凋零從古然  
北堂樹叢管前榮常棲枝以我母兄樂知君長逝悲  
送送復何言行行之何鄉丹旌泝月峽佇立江蒼茫

南生鶴鳴室內挽詞

人生暫分離莽蒼仍旬月會面非無期執手還成說  
況當終天訣未瞑入地目君子有行役爺孃不在側  
含意永莫宣幽明兩悽惻少小詩禮家婉婉閨儀飭  
靜好琴瑟御珍重白首約天塹未結子春色遽零落  
簷溜與隙風曷慰潘郎感聊為相紼辭往和悼亡作

李都憲惠仲挽詞

名敏迪



孟春陽氣發草木生光輝浮雲東南來似從蟾江湄  
中逵有回轍江漢有歸舟此行無還期胡不為少留  
客有操楚辭彷徨山澤中遠續巫陽招謳吟托回風  
翳翳西嶺日餘輝照北堂垂垂鬢邊絲半為思子長  
庭前紫荆樹春色到幾枝僂僂膝下兒一一芝蘭姿  
季女未結褵嬌男未加冠少婦初入門未熟姑嫜顏  
平生老萊衣中歲對床約人間慈愛情纏綿寧有極  
清朝講虞唐王道無陂偏入告皆嘉謨登崇盡才賢  
從容受釐夜豈無鬼神問兩美終必合永訣獨何忍  
肅肅御史府沉沉玉署直筆札猶手澤寮案多宿昔



數三同袍友情誼類第昆情話雜善謔新詩間清尊  
停盃各不御虛席久延佇恍惚馬蹄聲踏踏門前路  
待君君不來招君君不聞乘風載雲旗去入無窮門  
似聞玉欄干花開十五春仙樂動烟霧羽人驂麒麟  
赤舄引老臣簪筆趨史官想見捧瑤編佳氣同周旋  
依然骨肉會不改風雲契蚍蜉與蠻觸積蘇杳臨睨  
此理定不誣彭聃要有盡令名古所寶富貴等煨燼  
皎皎冰玉潔煌煌麟鳳瑞炯炯憂國誠鬱鬱庄君志  
醇深廣川對懇惻建中奏應將日星懸肯隨草木朽  
一代不數人百年能幾見三復古人語一字一涕洟



記夢

夜闌羣動息一燈伴孤客纔化夢裡蝶似還雲間鵲  
俯視丘陵出去與風霆逐上堂拜慈親執手淚雙滴  
俄然一笑粲已失離懷感長公色敷愉喜我歸來速  
子女與衆姪競來環我側細君素抱恙別來清羸劇  
中厨促午膳飯漿間肴藪京洛氣候早春色紛盈矚  
小杏方綴紅新篁亦抽綠時物感余懷坐久成悽惻  
羈魂易振蕩幻境漸變易俯仰曾未改夢寤翻相續  
有如池中星躔次初歷歷風來水生鱗破碎失舊迹  
又如晨後月宛轉雙影落東隅既揚光西北遂斂魄



起坐久惝恍垂首勞抽繹亦知是妄想有淚滋枕席  
念昔登仕途擬躡前脩躅平生百鍊鐵磨礪亦云熟  
意欲窺衡湘一發氣抑塞日月曾幾何遽爾就銷鑠  
伊洛有微言夢寐卜所學題詩志吾陋聊用替鞭策  
送堂弟萬竣省師于址

冥冥海水深杳杳浮雲徂嬋媛昨宵夢君子定何如  
沉憂損性靈朱顏易凋枯夜起忽彷徨晝坐唯嗟吁  
願得西南風因之送賤軀低回愧簪紱匪我無舟車  
其二

窈窕華山陽谿谷水增波想見幽人宅薜荔間女蘿



昔為白駒詩古調有餘悲  
嘿默復何言今日非昔時  
其三

邊塞多悲風胡天氣常黑  
昏昏沃沮墟聞說魑魅宅  
村落少人烟道途無行客  
飢飢嚙向人恠鳥飛接翼  
深林不見天翳翳日易夕  
羣山障遠目何處望京國  
白雲去不返蒼梧鬱暮色  
終古皇英恨海水深千尺

其四

徘徊千仞鳳疇昔巢阿閣  
飄風忽相值吹汝之北極  
手弄燭龍珠一破寒門黑  
茲鄉雖云陋維斗亦在址

其五



古有傾城人合德與飛燕  
雙雙掃青蛾兩兩入紫殿  
春華發意氣珠玉生顧眄  
歡樂意何極方為人所羨  
寂寂長信宮秋風咏紈扇  
煌煌紫陽褒萬古離騷傳

其六

我讀楚臣賦迴風與往日  
幽憤托風濤千載尚嗚咽  
及為遠遊語口吻烟霞發  
疑人間世致身何超忽  
陽舒既天飛陰慘乃泉結  
冰炭變瞬息肝膽或楚越  
斯人信忠厚於道惜未達  
憂世與樂天君子貴中節

其七

聖門有十哲相從陳蔡阮  
蘇子亦何人萬里致巢谷



昧昧想高風感歎勞精魄吾弟生今世勇躡前脩躅  
剗肝叫天閭爾足凌鬼門以我素心違憐君古義敦  
行行閨五月火雲燒乾坤別何以贈加餐且慎言

送鷄林任使君文仲名奎

別酒難成醉別詩難為語非為離別難志士心自苦  
落落四海內同人散如雨去意諒眷眷留迹轉踽踽  
平生任氏釣壯圖捨魴鱖蹉跎江海麾風昔鑿坡武  
清朝信多士夫子乃州府都門送五馬嶺坂凌險阻  
南方少友生故國多荒莽茫然月城墟訪古應延佇  
五陵何鬱鬱浮雲似湘浦巫咸如可質一為懷椒糈



送光州牧使李西河彞仲

名敏叙

春寒逗四野春意一何遲  
盈盈冒寒梅佳色無多枝  
離愁滿南紀故人有所之  
志士諒多感非直怨路歧  
少壯與衰暮常理安足悲  
頗恠沈休文刺刺論前期  
光牧寄書惠扇以詩謝之

別離如俯仰時物忽變易  
紅英已掃地綠陰紛盈矚  
關關求友鳥止我庭際  
木因之憶遠人日夕亂心曲  
年凶撫摩勞務劇調攝妨南州  
雖信義不如歸故鄉

其二

客從南海至遺我一書札  
開緘讀未竟已覺涼飈發



溪藤有秀色湘竹有苦節持之比故人慰此心如渴

謁花潭書院

楓酣村路明日落山影紫蕭然振衣塵來謁徐夫子  
喬木生天籟碧澗日千里斯人有來去斯道無生死

李進士師命室內挽

鷄鳴士女警促織伴唔咿歲荒甘旨艱入厨不咨咨  
仲卿豈長貧年命苦參差蚌珠纔吐光蘭蕙忽已萎  
他年夫子貴兒女各有歸逝者差可慰生者足酸悲  
疇昔門闌盛尊舅在堂時佳兒與佳婦羅列玉樹枝  
歲月曾幾何人間萬事非秋風會賢里舊客為踟躕



弱息托高門冢婦以為師怡愉未渠央零落乃如斯  
白江浙悠悠孤墳水之湄遙知潘安仁定有悼亡詩

送表兄李擇之宰沃州名選

聖代網自恢吾道分甘廢誠微未見察臣罪固難貸  
衆女矜蛾眉自屏反疑懟一麾諒不惡偃仰聊卒歲  
邑中多山水朝夕呈新態清遊倘相思願乞瓊瑤佩

其二

南路何逶迤五馬時躑躅山川如宿昔人事有變易  
宿草下馬陵寒烟秭歸宅懸知涕淚下不獨羊公石

其三



洋洋赤登水西入錦江津  
鬱鬱鷄山陽丘龍望隱麟  
游子感霜露泣涕霑衣巾  
悠悠我之懷逐君征車輪  
袖中一書札願寄故鄉親  
上言加餐食下言慎語言

少小讀詩禮

少小讀詩禮女子生有歸  
娉婷二八初婉戀結褵時  
但道嫁娶樂未省嫁娶悲  
年將顏色去事與中情違  
人心楚山雲世路羊腸岐  
閒登小樓上眺望陽春輝  
鳥語日杲杲芳草烟菲菲  
時物正如此我淚忽已滋  
憶昔在家日嬉戲肆嬌痴  
學姊塗朱粉折花遶曲池

織女愁獨居



織女愁獨居引領望川梁  
烏鵲不安巢白榆空成行  
終朝弄機杼織此雲錦裳  
裳成君不御蘭麝徒芬芳  
素手啓篋笥中有淚痕滋  
不惜玄黃渝惜此芳年移  
綺樓近秋河環佩夜相隨  
寄語小兒女無用乞巧為

咏史

卓女不安室琴心赴佳期  
但道知音難不惜千金虧  
幸矣御溝吟免續復關詩

其二

蛾眉豈相懸女愛在善淫  
趙后赤鳳操班姬紈扇吟  
可憐臺上鏡照影不照心



菊花

菊花開滿枝明月復在茲  
端居悄無樂忽若有所思  
佳期杳何許日月逝如斯  
古人不可見吾誰與同歸  
其二

採菊陶元亮焚香韋左司  
為詩類其人五字婉而悲  
迢迢千載餘讀之有餘思  
且從性所好安知時世宜  
尤齋先生孫婦挽詞

捧讀函丈書求我相紼辭  
一紙字十行寫出中心悲  
云有長孫婦少小慎閨儀  
承顏常婉婉入厨不咨咨  
坡翁度嶺行過子負笈隨  
每嗟違晨昏不解歎蠅蟻



患難誠孝殫憂瘁疾病罹皓天有反復修短乃參差  
先生一言褒百代垂光輝永為泉路榮持此可以歸

大雪中寄鎮安宰金盛達

大雪羣山白遙思縣齋冷想見馬耳峯微露雙尖並  
蘇仙七字詩境勝語逾警知君有佳句千載與馳騁  
思之不可見南望徒引領

宣醞史局錄呈諸公

謬忝修史役日與羣賢遊朱墨不知疲麗澤獲所求  
沉沉華館靜朝夕共淹留明主軫微勞饋賜良獨  
優宮壺傾法醞飮餼皆珍羞相公居上席寮案迭獻



酬厭厭秋夜闌嚴城聞漏籌歡極悲心生感激淚盈  
眸念昔事先后經幄侍冕旒報德蔑絲毫蒙齒等  
山丘竭心紀聖政垂輝照千秋任重才力綿徒然  
愧汗流

寄畏堂李尚書季周

名端夏

冬春忽已易昨事翻成昔來尋聯步地追憶從遊樂  
晴窓掩瑤編暗塵生綺席惟與河汾子對坐共歎息  
其二

別懷何漫漫別日何卒卒殘雪獨歸路踏君去時轍  
君今非壯年况有清羸疾林居縱無事未須耽麴蘖



其三

拳拳君子心憂世不遑私謂人亦如已薄俗翻相疑  
古來賢達士與世常背馳歸來發陳編莫歎知音稀

其四

子瞻昔遊宦念念在峨眉有願終莫遂詩什留餘悲  
松楸依咫尺父老日追隨借問昭氏琴何處有成虧

其五

楚國信讒言漢庭妬才子古人有不幸今子異於是  
明主念忠勤相臣推良史蕭條谷口耕君豈久淹此

其六



曰余本愚陋幸逐高賢遊時時掇餘論霍如昔疾瘳  
此事信難忘誰知我心憂人隔龍門雪春生江漢流

驪陽府院君挽詞

閔公維重

孝宗盛作人髦俊充王國譬彼鄧林富我公實聳壑  
蕩蕩天衢濶鴻雁聯羽翮陸贄多封事犯顏稱汲直  
玉節臨藩維甘棠流惠澤度支掌財賦中兵列戈戟  
餘人或瑚璉不器推成德濟陽有陰功塗山贊禹績  
周室豈無士頌崧唯申伯古來鼎呂重不必皆黃閣  
先兄夙求友麗澤獲三益中間類出處晚歲共憂樂  
接武疏恩封同傳期史策賜第門巷近肩輿過從數



優游釋事權畏慎謝賓客時時起居班佩綬光相射  
共訝容貌瘁髭鬚先年白意此亦偶爾不謂遽凋落  
平生故人弟疇昔候顏色晤言承欵曲蒙陋資洗滌  
今春喪吾兄公哭如親戚公乎又長逝邦運一何厄  
志士憂治世古人危明辟臨餐或投箸中夜時仰屋  
大雅殄瘁慟騷人八哀作慄此後死人悲歌付冥漠

### 宣川懷金將軍

鄭莊獨無母何有尊周義明明上帝命賴此行間士  
一死固所決誰論鈍與利將星隕柳下夷夏一涕淚  
鬱鬱宣川郡旌旆昔所莅遺風動謠俗父老傳往事



罪臣謫茲土懷古髮上指秋霜落古槐逝水清而駛  
倚劒望西北黃雲一萬里想見操吳戈長驅渡鴨水

李統制忠烈祠

在南海縣北露梁口  
有尤齋先生所撰碑

統制領戈舡偏師鏖強敵信義擾漢將威聲憚關白  
妖氛已褰豁大星俄芒赤共嗟諸葛忠而無汾陽福  
功名古難居臣子甘殉國蕩蕩露梁口風濤成霹靂  
魚龍畏簡書蛇鳥留陣磧廟宇從民望香祝降毅魄  
靈風翼兩旗簫鼓喧阡陌似聞鐵馬聲往往陰雨夕  
清時澤畔纍日星礙叢棘跬步阻趨蹌九歌聲轉激  
片石星斗文想見苔蘚蝕拳然生楚愴不待拭遺墨



山谷詩曰經行東坡眠  
食地拂拭寶墨生楚愴



西浦先生集卷一



西浦先生集卷二

七言古詩

燕燕篇

燕燕尾涎涎雌飛在後雄在前春風芳草媚芳年雙  
去雙來亦可憐長安甲第連雲起燕燕飛入千門裡  
千門柳色正裊絲百朶花香初壓枝細雨輕烟桃李  
院搖風蕩日元央池元央池上鳳凰樓翡翠流蘇簾  
半垂芙蓉帳暖語呢喃明月窓空影參差引雛恒繞  
玳瑁梁嚙泥任落珊瑚床床中美人睡初醒徙倚紅  
欄鬪身輕鵲鵲春雲白日長盈盈玉顏脂粉香羞同



公主怨黃鵠欲效秦女驂鸞鳳乍近乍遠意自親朝  
看暮看心不忘年年春色幾度迴足下香線看不猜  
世間行樂有消歇高堂大榭為塵灰可堪當日歌舞  
地衰草荒烟一飛來

### 巫山高

朝見巫山高暮見巫山高巫山七百里峽水聲嘈嘈  
草木蒙籠若雲霞蛟龍出沒揚風濤猿啼三聲聲最  
悲行人聞之皆淚垂舟楫遙遙幾千里浮雲四塞迷  
所之前眺神女峰背指荆王宮佩聲散淶水輦路迷  
青楓荆王宮闕今已蕪神女精靈今有無却憶荆王



遊獵時千羣獵騎當風披曲檻高棟俯曾淵撞鐘伐  
鼓驚龍眠綉幕花屏重重開神女嬋娟夢中來襄王  
一去二千載神女迢迢不可再時俗薄朱顏為誰揚  
蛾眉千秋巫峽間雲雨空霏霏徘徊歲將晏霜露霑  
人衣

### 宿田家

隴上牛羊下夕陽行人促馬投田庄田家主入慣待  
客掃室為張燈燭光天河漫漫覆茅廬天星爛爛羅  
天衢爾來季冬苦霧雨感荷天公餉吾徒丁寧顧向  
主人問不知家有鳴雞無明日須行一百里只恐耽



眠誤前途

鶴城行贈別李泰叔

名潤朝

鶴城形勝冠東方，高山巨浸為城隍。  
北通靺鞨南穢貊，風俗淳古士馬強。  
東出都門路不極，鐵嶺雪色界天白。  
鳥道盤盤幾百折，孤雲兩角天一握。  
徃在麗朝封疆縮，曾將此嶺限南土。  
聖代文教無遠邇，絕域盡為歌舞地。  
胡姬抱瑟留行客，纖手彈作關山曲。  
關山作客君莫愁，君方少年仍綵服。  
綵服日向庭闈趨，知君此樂人間無。  
暇日時時理蠟屐，域內名山恣登陟。  
把酒肯孤梨花春，題詩想帶烟霞色。  
我本於世無



所好徃徃夢入山陰道意欲從君不可得斥鷃徒然  
羨黃鵠雪殘東郊春草短千里春光愁極目握君之  
手贈君詩人生會合豈無期吾聞滄海東頭有仙山  
玉作峯巒萬二千會待秋風涼冷後與君晞髮毗盧  
巔

記夢

夢履星辰行言造紫皇所紅雲蔽九重玉女烟中語  
群仙手捧葢珠經星冠月佩不計數徘徊不敢進悵  
望日欲暮日色蒼涼閭闔深相將携手散如雨明月  
出五城清光溢玉京真珠之簾珊瑚鉤玳瑁之筵紫



西海集卷二  
三  
鸞笙玉女投壺帝左右金壺玉矢縱橫鳴纖纖素腕  
嬌無力矢躍壺中接不得落來猶成百丈蛻朝朝掛  
在扶桑西

讀樂府華山畿

可憐華山畿華山女兒嬌小姿妾有爺娘念妾深愛  
惜女兒勝男兒阿兄去歲販錦去前月舟從武昌歸  
越羅蜀錦車班班盡是阿妹嫁時衣縣令昨日遣媒  
來第三令郎美容儀極知為君一死誠倉卒人生意  
氣相感動百年之身安暇恤誰家女三年十四艷質  
絕勝邯鄲子正逢時俗薄朱顏一寸柔腸為誰死君



不見吳宮歌舞女徒向君前作歌舞君心妾意水東  
西一步之地千里許華山畿君莫悲

奉贐堂伯鐵原之行

金絡青絲踏春草使君五馬東州道三十專城潔白  
晷那箇行人不言好是何阿連饒口舌喋喋持向行  
人說使君弱齡賦甘泉聲名一日滿京國無何上君  
白玉堂朝朝染翰 君王側白玉之堂與天通中庭  
玉樹何青葱使君掉頭不肯住拜手陳情疏一封小  
人有母母病數烏烏之情安有極臣非敢厭承明廬  
得一小郡榮養足疏辭懇惻涕堪垂覽訖屢領君



王頤極知茲行為親屈不然焉用牛刀為是日親朋  
送于野陌上楊柳青堪把酒闌索余贈行詩阿連豈  
是贈言者昔我先祖宰是邑武城絃歌應未熄何勞  
遠法漢龔黃去矣使君須努力

雜詠

河間有節婦皎如山上雪足不履中閼六親不得見  
顏色一朝乘車事遊戲車聲輾輾入蕭寺帳中女子  
為秦聲壁裡男兒似龍陽昔慕宋伯姬今作邯鄲娼  
昔亦一人身今亦一人身人心翻覆乃如此令人感  
涕霑衣巾



是何男子行贈安大靜塾

是何男子稱諫官隻手要折額額角榻翅傷臆走跟  
蹌投之湖南與嶺北湖嶺不受投海外乘桴飄飄上  
南極水恠擲揄魑魅喜友生盡傷家人哭執手牽衣  
留不得君不見圓嶠之山上干天呵噓雲霧無時息  
君行白晝無陰翳手拾瑤華蔭若木攀援絕頂殊怵  
惚星辰之遠如可摘直北濛濛何世界無乃槐檀或  
蠻觸得喪榮辱何足爲欣感

長公爲便養計初得舒川旋移廣州舒因求而  
廣以薦也慈親將以十一月之旬逐子東征而



繫官于朝不得隨行作爲長篇情見于辭非敢  
附於古人贈言之義聊以抒母子兄弟分離之  
懷云

盛之尚書凝香之署吾兄掉頭不肯住屏諸鼃魚雀  
葦之鄉朝議惜之不肯許南漢尹蕪防禦使名雖外  
遷稱重寄既不能進退又難用捨俱無義居留之責  
便養願公私兩無損二者得失必居一姑舍請勿論  
聽我擊節歌一闋歌長意切悲喜并刺促林烏反哺  
聲大兒琅琅誦詩禮小兒學書未離乳左持饘粥右  
夏楚以教爲慈母心苦欲重陳之涕成兩大兒銀緋



朝大夫小兒躡塵省中趨朝退上堂問起居人為母  
榮母心懼相與勉勵酬明主豈不足為鄉黨光親  
憂菽水兒心傷民之所欲天不違廣陵之浦紫螭賤  
月溪之灘銀唇肥今年雨乾穀雖貴官輸亦足供甘  
旨拜謝天恩感淚偕何以報之保障哉人心自可  
為金湯不將百雉誇崔嵬最是都門別離地其言伊  
何嗟我季婉婉黃鵠雛養育毛羽有輝光正緣栖君  
上林之玉樹子母兄弟不相將哀鳴拍翅久徊徨惜  
女豈不聞聖王孝理為民倡乞暇歸覲可自由何  
况兩都相望纔莽蒼且復寬抑中自幸君不見溫祚



城高俯八荒扶桑西枝弱水影長繩繫此羲和輪書  
問阿母桃花春長跪獻親壽壽與南山久

李副提學幼能挽詞

名端相

瓊琚玉佩韻鏗鏘七襄黼黻盛文章藝苑世業光焜  
煌追逐班馬高頡頏蘭臺玉署天中央萬夫奔走起  
且僵中途勒迴千里韁楊山之麓芝溪陽黃鵠一舉  
知圓方斥鷃蓬蒿安可望問津漁洛思褰裳天根月  
窟窮渺茫金華旭日講虞唐經幄無人聖情傷  
君民憂愛臣敢忘日月何短意何長顏淵三十孔道  
明要有不與身俱亡鬱彼佳城公所藏月墮清晝耿



餘光已矣濁世非公鄉想見騎麟下太荒

戲作南平扇子歌贈別表兄張晦而名世

南平扇子冠東國青霞白月媚顏色爭奇闢巧年復  
年班女江郎讀不得四月五月南風起吹入洛陽卿  
相宅渭川千畝赭如髡帝子含淚無處滴清朝所急  
豈在爾此事多恐為民瘼吾兄分竹作吏隱懸知於  
此未數數我言凡物在所用并澣猶能制強敵何不  
一扇枝頭少女風以陰以雨禾黍豐再分蘭臺大王  
風坐使清涼遍域中持之可以奉明主洗滌煩熱  
安聖躬波及應須在吾曹一豁思君心鬱陶丞相



障塵何預人京兆拊馬徒自勞此外區區盡掃却留  
得齋頭千竿綠讀書仍當松桂林結子還要鳳凰食  
相將飛上鳳池上拜和 聖人南薰曲

讀班婕妤梅妃故事感而賦之

甲寅春余以侍從被罪謫居金城而李都憲  
惠仲卒於原州余既以長篇四百字哭之復  
作此詩托之男女之際以申前詩未盡之意  
且以竊自附於李公者蓋以男女君臣之情  
發於彛倫者初無醜好賢不肖之別也從人  
聞李公之死 天意嗟惜故第云



桂葉雙蛾紅綃衣梅花踈影共依依當時一顧且不  
得身後丹青謾光輝亦有棄妾抱秋扇淚盡深宮不  
相見河漢迢迢北斗迴夢裡彷彿君王面不見死別  
與生離安識人間婦人悲風箏絃斷石沉海壁月寡  
色崇蘭茱萸花開復峽紅千層內江外江春冥冥採得  
薜蘿山月上想聞環佩聲泠泠

送李兄擇之巡撫濟州

憶昔先王憂南鄙御筆親除四御史濟州地遠任  
最重吾兄視海猶平地天崩往事那忍說百官奔走  
淚盡血今王善述任舊人增秩衣緋其命新從知



草木稔姓名可是威風變旗旌明時方引濟世才衮  
衮臺省登羣英無人不讀司馬法有客自請終軍纓  
封侯萬里此其時破浪長風亦一奇此身天地一虛  
舟遇坎乘流本不期要從夷險驗所學莫把內外生  
分別別時都門春向晚路傍楊柳青堪折却憶往歲  
崔氏宅長篇小字贈遠客人生此別再何堪王事賢  
勞古所惜尾閭之水鬼門關何似人間行路難悵望  
蒼梧生暮色湘潭芳草春應碧別語淒斷不成關沙  
頭酒盡君當發

送金判尹宇亨為養出守淮陽



世間揚州鶴人生老萊衣古來誰得兼畜眼省見稀  
白藤肩輿露網軒路指萬二千峯雲蓬萊仙侶來相  
迎羽衣金節何繽紛安期棗實大如瓜阿母桃花長  
自春相將拜獻壇堂壽一笑滄海生輕塵君不見雞  
林任留守又不見臨瀛李使君炎荒去去黃茆瘴歸  
夢時時鵲鵲原向來別詩多苦調今日臨歧莫霑巾  
寧親之孝錫類仁此行可以見君臣何時飛鳥向  
洛陽早晚徵書下楓宸千秋邑名偶然耳須知長孺  
非今比

題洛神紅線障子



障是孟榮光所畫斯百金尚書使曹世傑摸

寫云

尚書名  
錫曹

孟生丹青入三昧不學周昉畫肥婢曹子臨摹亦一  
奇絕勝優孟像廉吏若有人兮水中央皎如芙蓉照  
涿水思王賦裡曾相識今之畫圖無乃是飄然躡烟  
彼姝者袖裡青萍光燭地採菱歌聲怨千古生綃颯  
爽長風起吾觀二子真仙姿一洗世間脂粉累只有  
憐才與銜恩一念秋波餘嫵媚尚書文彩映海東不  
似武陵空好事綵筆朝續宋玉詞華燈夜評裴鉞史  
才高八斗更誰讓名壓十子何曾比天人一禍變幻



餘飛入華堂奉君子遙憐春色滿書帷應有行雲惱  
宵寐幾多新篇與品題肯使前人獨擅美城南居士  
晚耽禪解道色空元不二他時相訪共揮麈遮莫天  
花衣上墜

望月三章

望新月新月曲如眉愁人秋來自多感無心學畫纖  
纖規望弦月弦月側如梳愁人首如九秋蓬高髻雲  
鬟安用渠望望月望月圓如鏡深閨春色坐消歇不  
用新粧照端正

擬四愁詩



我所思兮在海東碧波浩浩多天風日月之行出其  
中餘輝曾不照丹衷山有桂兮澤有蓀我思美人不  
敢言

西嶽迢迢天一方明星玉女遙相望山林深阻水無  
梁霰雪紛糅猿鳥傷荷衣蕙帶山之隅我欲思之心  
鬱紆

江南地遠多秋色美人逍遙望明月芳洲之草颯已  
歇錦水之波不可越願言思子憂心擣我今未老顏  
枯槁

彷徨中夜誰與親登茲樓兮望北辰天不可梯身在



塵我欲叫天天不聞南飛烏鵲西流河織女黃姑奈  
爾何

樂府

三藏有蛇二歌出於高麗忠烈王時其詩曰  
三藏寺裡燒香去有社主号執余手倘此言  
号出寺外謂上座号是汝語有蛇啣龍尾聞  
過太山岑萬人各一語斟酌在兩心其語雖  
俚而殊有古意今輒擬而稍演之云

君演三藏經妄散諸天花天花撩亂殊未央井上梧  
桐啼早鴉不愁外人說長短傳茶沙彌是一家



其二

玉石無定質妍媸無正色  
玉石在人口妍媸在君目  
日月本光明讒言自成膜

越女行

越溪水東流越女白勝雪  
朝攀溪上花夕弄溪中月  
素手浣紗溪邊石照影清波私自惜  
此時越王正嘗膽欲以女戎傾吳國  
幄中借籌二三臣深謀密語人莫識  
天生尤物意非偶不容身作田家婦  
館娃宮中花滿樹西施玉顏年十五  
千金為粧奩萬金教歌舞娥娥宮樣粧  
渺渺邯鄲步房中儀態盈萬方天老當



年傳素女可憐絕色人所慕舉衣孤臣心獨苦屬鏤  
之劍真自取

### 淮南王歌

劉安昔日愛神仙築臺宮中與天連玉壺銀瓮酒如  
泉黃金丹砂合仙丹賓客窈窕多少年文章妙絕大  
小山八公之徒冰雪顏其言恍惚非人間雲中雞犬  
誰所傳天路由來無術阡宮中侍女雙明璫一曲悲  
歌堪斷腸淮水東流春茫茫行人欲度川無梁

採桑行

樓餘用樂府本韻  
洛陽一作滎陽

燕栖盧家梁日照秦氏樓樓上女兒字羅敷顏色纔



可十五餘可憐窈窕艷傾城洛陽少年休問名羅敷  
玉手採桑葉使君五馬觀春畊春城薄暮多風雨一  
水盈盈那得渡如花嬌顏易消歇請看城東桃李樹

次琵琶行韻

洛陽才子湓浦客澤畔平生最蕭瑟偶聞琵琶月下  
船妍辭翻出泠泠絃聊從怨女訴遠別要與離騷懸  
日月樂府新腔沸成雷吳歛越吟喑不發千秋苦心  
識者誰尚想沉吟下筆遲蘆花楓葉如眼見彷彿未  
散回燈宴解道人間婦人苦當時自矜如花面十二  
十三學新聲傳得宮嬌遠嫁情星星香撥無限思萬



事終傷不如意空聞漢帝選玉色浪說侯門多樂事  
佳期幾誤綠綺掩暗恨每結朱絃么悲歡翻覆若雲  
兩往事還羞向人語烟波離別淚幾彈搖蕩君心珠  
轉盤洞庭瀟湘水粘天瞿塘滯多危難雲邊消息  
鴈影絕鏡裡容華芳草歇夢回南浦片月生一曲涼  
州猶舊聲文人邂逅亦一奇哀怨猶堪托善鳴旗亭  
清唱壁間畫黃四芳名留竹帛人生貴賤各一時越  
女休誇天下白嬌蛾曼睂競閨中莫笑他鄉憔悴容  
飄零豈獨薄命女佩玦危蹤無着住屠龍不惜破千  
金少小三冬書四部賈生翻遭絳灌讒靈均苦被椒



蘭妬書成燕石謾自奇獵回藍田誰更數三言終使  
慈母走白壁無奈青蠅汚夜郎風波舟楫危商山水  
雪征車度靈修一念夢裡餘蘭佩殘香手中故欲識  
生離惻惻悲看取君臣與夫婦吞聲含意鬱未伸地  
角天涯去復去借問秋江送客船何似瓊樓玉宇寒  
心逐行雲朝北闕身同化石留江干湘娥停瑟助歎  
息蜀魄巴猿共啾唧一篇新詩婉而哀衷情不許人  
人識祥雲瑞靄白玉京御柳宮花丹鳳城傳聞廣樂  
奏白天五絃誰和南薰聲協律爭道李延年詠諧更  
有東方生能令天笑一為新誰念騷人不平鳴龍門



枯桐且莫彈郢客陽春何足聽願寫此詩置香案時  
時倘回重瞳明空留哀響天地間至今人傳琵琶行  
擊節高詠為起立清霜倒飛商飈急曲長調悲不易  
竟蒼涼夜色寒蟾泣不待琵琶更促絃應知四座衫  
袖濕

宗丈金執義大夫人挽詞

執義名益廉

余嘗掩卷後漢史長恨范滂母與子子母死別色不  
變唯幸其名齊杜李 聖代深仁邁虞唐孟博不死  
母壽康 先朝侍從蒙記識錫類殊恩聳四方天明  
之水似淮淝樵漁養親慈顏怡兒年六十親八袞老



東坡全集卷二  
菜身上班嬾衣小子忝居姪孫列願言升堂寸心違  
承訃東望涕沾臆俚辭何能狀懿德

觀黃昌舞

繁絃欲停催撾鼓翠眉女兒黃昌舞短後之衣頭虎  
毛頗似木蘭行負羽長袖洋洋拂地起歛驚腰下秋  
蓮吐左盤右旋勢轉惡風雨颯颯雷霆怒弓彎舞袖  
真嫌俗公孫劍器何足數吾聞海東昔三分日尋干  
戈相侵侮惠文好劍風俗成黃昌十四勇如虎洗國  
深羞報君王功成身死名萬古項莊鴻門謾掉劍荆  
卿遺恨在銅柱舞陽色變秦王宮唉彼豎子非爾伍



聖代昇平文教敷故國遺民齊變魯庠序絃誦達四  
境巍我章甫委蛇步烈士風聲久寂寞賴有此舞傳  
樂府奉化賓館開勝宴吐客初看毛髮豎願見吐地  
傅介子杜陵老儒心良苦如今鬚眉男子且巾幘嗚  
呼黃昌之舞竟何補

清城府院君遷葬挽詞

金公錫胄

房山東望娛賓里草樹際天山逶迤雲旗玉軼定省  
路僕御辛苦龍津水孝子夙夜心不寧儼然聲音如  
接耳鬱鬱佳城見白日朝野追思悲不已客有緘辭  
相執紼猶是斑斑去歲淚自公之行歲月周却疑東



山卧不起深山大澤龍虎逝箕尾迢迢光照地角巾  
亭下秋草生漾湖嫋嫋秋風至人生俛仰成今古何  
况丘原千載事揄揚盛德吾豈敢付與他年趙文子  
南海謫舍有古木竹林有感于心作詩

龍門山上同根樹枝柯摧頽半死生  
生者風霜不相貸死猶斧斤日丁丁  
憶我弟兄無故日綵服塤簫慈  
顏悅母年八十無人將幽明飲恨何時歇

其二

北風蕭蕭吹竹林今朝憶我兩阿咸  
自我南遷汝心苦何知汝亦海天南  
風濤滔天不可越六月曾無一



書札我今病瘴日昏昏死去誰收江邊骨

西浦先生集卷二





西漢書卷二

十六





西浦先生集卷三

五言律詩

附排律

從軍行用唐人韻

從軍辭帝京  
追虜屬長平  
秣馬單于府  
休兵趙信城  
因山排陣勢  
向月聽笳聲  
勦力干戈際  
翻然等死生

五月六日小雨

欲雨天無色  
陰雲盡吐飛  
遠山初暗淡  
高柳漸依微  
肅肅涼生榻  
簷簷風捲幃  
秋千花外女  
細霧濕羅衣

重興東菴

杖策踰層嶺  
排雲到上方  
梵鐘清客意  
花木閉禪房



海氣三山遠春風一水香殘碑留日月吊古意何長

王昭君

征馬平明發關雲萬里長迴風飄怨淚冷月照殘粧  
身已胡王妾衣猶漢殿香琵琶塞上曲千載足悲傷

銅雀妓

漳水秋風起霜清銅雀臺佩聲虛夜月輦路暗蒼苔  
歌舞何時歇君王不復迴西陵樹已拱誰識妾心哀

九月九日重興寺作

萬木絢紅葉祇園淨素秋入門清磬發移席白雲留  
塔聳天應逼泉鳴境轉幽醉來從落帽風急莫深愁



渡錦江

南國春風動蘭舟錦水長滔滔波送客款款燕隨檣  
浦樹雲烟雜汀沙杜若香聊供吟賞興未覺是他鄉

客睡

客睡濃如酒鄰鷄警曉裝起看庭際月誤認夜來霜  
冒雨坡山滑乘冰洛水長天寒行旅苦隨處祇神傷  
早發金沙驛將渡新灘大霧失路

大霧金沙路行人積氣中乾坤歸混沌山岳失穹崇  
難借陽烏照能忘老馬功畊歌聞互答沮溺想遺風  
大駕還自溫泉祇迎江上



佳氣隨仙仗霓旌拂晚烟  
吾王無疾病草木盡忻然  
日向溫泉浴天從紫極旋  
樓舡催截漢還似濟汾年

送北評事洪國卿名柱

對酒禁花暮論詩桐雨清  
浮生元有別往事最關情  
風雪城東路簫笳海上營  
從軍雖可樂且莫厭承明

其二

為問紅蓮幕何如玉笋班  
詞臣辭禁闥匹馬向關山  
積雪杳無際浮雲不可攀  
迢迢西掖月夜夜望刀環

哭安大靜



不要窺南海微臣職所當雙親垂白髮萬死荷明  
王宣政宮門外成歡驛路傍蒼茫離合地回首涕霑  
裳

其二

雷無終日怒海借址歸舟天地至仁愛死生誰怨尤  
春秋還責脩廊廟有餘羞已矣一棺戢人間萬事休

洪校理叔平挽詞

名萬  
衡

轉塵阿奴恨斯人而止斯昔賢非不達片語有餘悲  
地下庭闈戀平生常棣詩今君長逝慟天道倍堪疑

其二



洗滌綺紈習聲華席上珍篇成推醞藉筆落見精神  
宿昔鑾坡直依然花柳春退朝歸院地無復接清塵  
徐判書必遠挽詞

白面還戎幕雙珠異暗投優容平昔感酬報此生休  
寂寞尚書履飄零大樹秋羊曇何限慟巷址是西州

梨花欲動雨留人

此下二  
首課製

春光兼客恨渺渺遍南州已被花相惱翻因雨少留  
渾疑湘岸夜緬憶武陵舟竟日看紅濕聊忘去路脩

題柱

華表摩挲地仍看綵筆携凌雲千丈氣言志數行題



去任鸛鷖獎來須駟馬嘶當壚人似王元不學秦妻

大殿春帖子

赤羽薰晴旭青陽破臘寒新春隨帖子一日滿長安  
瑞靄籠三殿蒿呼引百官天顏應有喜不敢舉  
頭看

大殿端午帖子

北極垂衣地南風入座薰獸爐香靄動鸛列佩聲聞  
剩喜微涼進還應四海分願賡虞殿曲相與咏卿雲  
寧陵遷葬挽章

先王不可忘三復烈文章至痛臣民在流年十五忙



西清集卷三  
帝鄉無馬迹  
陵樹颯秋霜  
他日橋山淚  
重霑劒舄  
藏

其二

葬防非不慎  
於傳涕宣尼  
密邇仍先兆  
深長仰孝思  
追惟貞觀意  
遠覽霸陵規  
大事終無憾  
東方慶在茲

其三

先聖危微訓  
親傳十六言  
蒲輪聘遺逸  
衽席奠黎元  
洒落風雲契  
涵濡雨露恩  
新陵配世廟  
天意詎無存



其四

第一春秋義端如日皎然中興功未半志士淚長懸  
繼述周王孝謳歌夏啓賢惟新萬世命象設永無騫

春草

春草正萋萋愁人意轉迷客中寒食過窓外子規啼  
拈筆閒題壁臨風獨杖藜鄉園何處是日落萬山西

雨色

雨色映林薄花枝似故園遙憐北堂下新長幾叢萱  
景晏山禽喚春陰野水昏耕歌各自樂遠客易消魂

顯宗大王挽章



精一元家法工夫又日新風行民似草化洽物皆春  
聖德何加孝天心不外仁微臣等百世唯覺典謨親

其二

啓沃資良弼風雲藹一堂齋心問敬怠接統泝皇王  
宿昔書帷闕從容畫漏長人間舊侍讀衣袖尚餘香

其三

大德得其壽斯言久我欺應緣孺慕切不待夢齡期  
歲律灤封換塵奩漢寢遺東郊引法仗猶似拜陵  
儀

其四



動植均洪造愚頑倍渥恩非無宣室召永負夏侯  
言吉日廡儀發喬山凍雪渾百年酬報願痛哭此身  
存

登大興城

聖代今修武相公西築城勢雄資控扼時絀費經營  
萬堞雲邊起千山脚底平書生昧遠略徒倚眺新晴  
滿月臺

家國有興替山河無古今秋風吹鵲嶺黃葉似鷄林  
異日管絃地荒臺樵牧吟昔賢皆寂寞而我獨霑襟

白江相公遷葬挽詞

李公敬輿



恭聞李相國遷葬卜辰良名許兒童誦身為簡策光  
東維列宿遠南紀大江長不盡云亡慟聊吟殄瘁章  
其二

生晚吾生恨無緣奉緒言即看周禮棄奚止典刑存  
世變紛無已遺風不可諉蕭條廿載後題挽涕雙痕  
木覓

木覓僑居逼山寒日自斜風霜侵短髮砧杵動千家  
小庭丹楓葉踈籬白菊花時清且健飯老去莫長嗟  
種竹

種竹小庭畔令人生遠情秋容稍慘淡夕露轉輕盈



俯仰有新態琮琤非俗聲何須翠袖倚已自不勝清

次李可成見寄韻

名商翼

春睡苦慵起小窓花影重柴荆驚剝啄珠玉溢題封  
已覺詩無敵何妨道不容多慚珍重意竊祿負歸農

李大司諫允迪挽詞

名桺

岳老難為繼家聲賴有公清名者速肖秀句更遺風  
玉署曾嗟晚青蒲不盡衷唯應諫草在耿耿篋箱中

其二

閉戶光陰換憂時鬢髮衰皓天終必復沉瘵已難醫  
正屬艱危際徒懷諫諍姿斯人那復見士友共嗟咨



其三

幸托連姻誼深知長者風從遊東觀早出處暮途同  
薤露新聲咽臺山舊墅空尚看雙玉樹餘慶未應窮  
仁敬王后挽章

昭代二南化宮闈萬福原先臣遺積慶聖女出寒  
門儷日光為月承天道協坤應知編簡上名並摯華  
尊

其二

憶昨歸青邱于時實弱年奉盈心轉小鳴佩禮無  
愆婉婉中門戒沉潜內則編仰惟三殿喜寰海共



欣然

其三

翼翼宣陰化愉愉奉聖慈  
鷄鳴長樂寢春滿萬年  
危仄席憂民瘼臨餐軫歲飢  
艱難仗柔順宗社共  
安危

其四

忍說初違豫分離法仗忙  
終天不盡恨雙闕永相望  
七載光陰迅千秋惠澤長  
向來邦國運倚伏劇蒼茫  
其五

仁壽徒聞說明徵轉可疑  
虛騰螭羽祝奠驗燕禰祠



禁苑春風起深宮晝漏遲傷心罷朝後無復獻箴規

其六

伊昔濯龍門恭承訓誡言因循慙臚仕恐懼負  
明恩吉日廢儀動悲風素仗翻永無酬報地慟哭此  
身存

李生涉室內挽詞

相門有女士宗黨共稱奇景得爺娘惜仍者家室宜  
先秋蘭蕙墮並月蚌珠虧丹旄城西路行人涕淚垂  
閔生鎮厚室內挽詞

婉孌儒家女人稱婦道宜弱年詩禮教中夏蕙蘭萎



渭洽騰歡日姻親送喜時  
羹湯問食性往事有餘思  
贈申書狀琬燕行

雪中飛鳥絕之子欲安之  
遼野去無極燕歌聲正悲  
愁雲漢陵樹落日信公祠  
此地難為客應多吊古詩

姜鍾城叔夏挽詞

名碩昌碩

積雨青門道去年相送時  
壯心輕遠別一笑易前期  
擬托三春鴈先題四韻詩  
何言人事變轉作薤歌悲

其二

玉署生明月隨人度  
北關依依戀禁闥脉脉望刀環  
一札經年後孤魂久客間  
屋樑前夜色猶似見君顏



寄張兄晦而

儘道韓山僻韓山有足誇坐衙稀簿牒並海富烟霞  
八尺鄞州簾千叢日本花聊堪當梅信無謂驛程賒  
送通川尹使君世紀

學士求殘邑使君殊不凡官閑宜細酌境勝要窮探  
客有江湖夢身猶侍從衙智愚三十里臨別可無慙  
春日公山途中

暖日鳥相喚征人馬上眠綠迷芳草路紅閣杏花天  
陂水悠悠岸村墟漠漠烟客中饒物色詩句亦堪傳  
送李白川檣之任



伯仲今循吏分符又季方俱宜下鳳鳥猶足報君  
王水驛風帆穩川原麥氣涼茲行非遠別垂老易悲  
傷

忠原道中

霜落水烟斂群山蘸水寒登登緣石棧聒聒俯風湍  
客路何時盡秋花昨夜殘琴臺暮雲合撫古一盤桓  
舟下清風次寒碧樓壁上韻

小艇帶疎雨縈回一水幽夕陽催繫纜山色與登樓  
掇佩芙蓉晚留人桂樹秋依稀京洛夢前夜到滄洲  
彈琴臺



于勒彈琴慶臺空草樹荒烟波愁晚暮雲日送蒼涼  
有客停歸棹題詩吊戰場毅魂招不得獨立大江長  
明聖王后挽章

摯女能胎教周王有亂臣壺儀仍母範恭儉與慈仁  
殷奠琬羞斥遺衣大練陳萬方何以報身後尚勤民

其二

社稷安危際人心去就時天成五色石國有萬年基  
收斂神功寂掄揚顯冊垂宣仁差可擬猶恨藉簾帷

其三

宗社前冬慶金騰翌日瘳慈顏新一笑盛事曠千



秋倚伏天難詰悲歡月未周  
滕廬深墨色寰域涕交流

其四

莫是緣憂疾多應願與齡  
開奩留手澤問寢隔泉扃  
長樂晨鍾斷蒼梧暮宙青  
孤臣十載淚霑洒望仙輶  
草廬先生挽詞

萬里涪陵謫餘年漳水濱  
惟應安義命寧復責天人  
簡策收封事絲綸惜老臣  
鷄山青未了斯道有緇磷

李梅澗初度之宴次南壺谷韻

梅澗名頤相  
壺谷名龍巖

高齋有尊酒佳友及良時  
共折黃花壽孰云秋氣悲



陶情五字句寓興一枰碁林月漸看滿更為他夜期

清城府院君挽

聖主哭辰日千官盡愴神傾都望素紼賜地葬功臣  
邦國今猶活哀榮孰與倫餘威懾鬼蜮遺像儼麒麟

其二

許國一腔血憂時兩鬢絲功成賴主聖心苦有天  
知漢室中興運詩人殄瘁悲厭厭曹李輩何限到期  
願

其三

慘澹功名際遲迴契遇中何嘗忘勇退猶願罄孤忠



小閣書侵坐，扁舟水映空。東山歸未得，謝傳恨難窮。  
其四

塵憶省中躡書從，帳裡窺光輝。借餘論游戲，出新詩  
一代風流盡。千秋簡策垂，並時曾自幸。沒齒可無思，  
李掌令三錫挽詞

世路趨營懶，形骸骯髒偏。才應憎命達，窮不要人憐。  
雪暗湖鄉瘞，秋荒杜曲田。傷心卜鄰願，垂老墮茫然。  
九月十三日出禁府赴宣川配所

啣悲別慈母，揮手謝諸親。秋日西城道，關河獨去人。  
情知又妄發，何足報深仁。尚有區區意，從茲恐莫伸。



過平壤

大江流日夜故國多秋陰豈直越鄉感偏傷吊古心  
荒城潮自落衰柳景將沉薄暮空潭上因為楚客吟

渡大定江

遠別秋將盡西征月屢弦塞鴻方接翅陂柳已無烟  
落日重江水高風一葉船何勞問行止吾已付蒼天

塞邑

塞邑非吾土羈人多苦顏有時風捲海連日雨渾山  
寒事今方始民生各未閒庭前有古樹倦鳥亦知還

其二



邊城夜擊柝驚鳥不安栖驛路清江北胡山落月西  
家書數紙盡歸夢五更迷謾擬詩消遣詩今亦懶題

近得

近得慈親信衰年疾病嬰極知難送我何以慰傷情  
日暮城鴉亂天寒櫜馬鳴浮雲無意緒杳杳只東征

哭西河

惻惻徂年別書來墨尚滋浮生看可厭時事轉堪悲  
君逝從先兆吾留隔母慈深叅損益理向子一何癡

其二

莫謂何從得先兄托契深如承夜雨話幾勗歲寒心



花近傷時淚春多喚友禽悠悠水東逝渺渺日西沉

秋夕

西塞團團月今宵照我衣清輝欲誰贈遠客許相依  
霜露先瑩遠晨昏子職違妻孥還在側相對涕交揮

南荒

西塞經年謫南荒白首囚灰心慵攬鏡血泣愧垂髫  
落日鄉書斷清秋旅鴈愁向來忠孝願衰謝恐長休

洪持平仲多挽詞六韻名億

婉婉曲江會憐君最少年青萍方出匣綠駟待揮鞭  
英妙鬼神忌凋零吾黨偏脩文多舊侶掛劍搃新阡



名譽髫齡早家聲諫疏傳傷心臺上拍秋氣日蕭然

夢李白六韻

漢室失才子瀟湘無故人晨星看落落宵夢許頻頻  
颯爾如相合遽然竟莫真歸魂驚局促落月想精神  
卑濕炎荒地支離放逐臣孰知生死別揮涕大江濱

次韓退之春雪十韻

駘蕩陽春唱便妍白雪謠寒輕纔看釀氣暖旋成銷  
日沁何郎粉風欺靜婉腰游絲齊弄影落盡共辭條  
積素明隋苑殘香失灞橋曇花空外散瓊佩月中搖  
玉樹光流夕繁星色借朝物華仍晚晚幽思坐翩飄



擬絮誇閨閣聯蕉上綃綃寂寥詩五字興復此中饒

清風府院君挽詞十二韻

金公佑明

周室非無士崧高實誦申遺編徵此義今代見親臣  
種德從元輔承乾仰妙莘嗣王敦孝理殊禮視家人  
名數先朝舊榮光兩殿新持盈逾畏約驚寵  
却逡巡養疾醇醪斥憂時涕淚頻御醫將內劑飛  
輶接重宸祝聖終餘戀號弓僅閱春禮官歸賵祿  
慈教泣臣民長樂膺純嘏群方戴北辰家聲依日月  
百世永無磷

貞明公主挽詞十八韻



今代璇源牒

王姬天屬尊遐齡膺百福懿德稱

殊恩令譽從髫髻芳姿稟惠溫偏鍾

聖祖念何待

女師言邦運曾中否彛倫可重論

真人開紫極織

女捧軒轅培植天心見光華異數繁高明增挹損蹊

逕戒攀援配德閨門肅承顏孝敬敦鸞簫暮境集蘭

玉謝庭蕃卿月遵銀渚仙班接沁園

御厨移綺饌

天樂在華軒迭舞爭呈綵稱詩撝頌登耄期猶有極

哀樂本同門脫屣忘親愛乘雲訪上元霞萼忝末戚

臭味托諸昆宿昔隨賓客從容奉壽樽蕪辭猥相締

撫舊涕成痕



西浦先生集卷三



西浦先生集卷四

七言律詩

呈伯氏

共說明時簡拔新一番清佩鳳池春任教天地論公  
道那乏江湖要散人衮衮入門徒自媚悠悠舍意若  
為伸蕭條倚杖浮雲色衣狗如今竟孰真

初日

初日流光照杏梁美人鳴珮出蘭堂容華似與花爭  
艷衣帶潛隨柳共長明月關山空有夢春風脂粉為  
誰香使君五馬休相問自是閒愁懶採桑



上陽

上陽宮女一生悲泣送芳年問為誰獨語每猜鸚鵡  
洩閒愁唯許守宮知芙蓉葉上秋霜薄河漢樓中曉  
漏遲度盡車音殘夢裡却驚明月入羅帷

送青平沈都尉益顯使燕

使節翩翩發建章都門二月柳枝黃還教秦女乘鸞  
侶却向丁威化鶴鄉燕塞鴈聲愁裡度沁園花氣夢  
中香懸知自昔悲歌地不獨春光解斷腸

送南叅判龍翼赴燕

霑衣不是怨離情休唱燕歌作羽聲忍道江南無寸



刁誰從函谷返連城身當主辱齊夷險國以公行占  
重輕專對極知紆 睿簡越人猶誦陸生名

王世子冊禮以司書從

鳳樓晴雪媚朝陽仗外輕風韻水蒼華盖共瞻天址  
極仙韶交奏日重光啓賢已協齊民望周曆行看百  
世長左右正須端正士深慙淺薄廁春坊

承露盤

以下十四  
首月課

瑤池桃核少君丹別有仙人掌上盤擎雨綠荷珠顆  
細滌煩金盃蔗漿寒真方浪說朱顏駐浩劫俄驚碧  
海乾渭水西風辭漢恨淚痕猶似露華溥



次唐人早朝大明宮韻

掖垣西畔柳絲長  
玉漏聲中韻水蒼  
日射璇題開鳳闕  
雲移黼座識龍章  
染毫清迥金莖露  
拂袂氤氲紫殿香  
何幸得從枚馬後  
共將歌頌奉君王

其二

西清落月送微寒  
露井桃花春未闌  
天子垂衣朝萬國  
大行傳警引千官  
香烟欲結簾初捲  
丹詔催裁墨未乾  
共荷發生同雨露  
自慙消爝報恩難

鍾街觀燈

漸看微月隱天階  
待得千燈照九街  
流俗尚傳西竺



遠風光肯數上元佳，但愁玉漏催銀箭。不管香塵墮，  
翠斂須識弛張文武道。故教行樂萬民偕。

濟川翫月

闌干十二白雲邊，俯壓滄浪水底天。遂有謫仙賒月  
色，更携崔顥咏晴川。金波素練紛相映，漢女嫦娥欲  
鬪妍。何處孤舟吹鐵笛，只愁風浪夜深偏。

樂游原上望昭陵

喬山春望易銷魂，客子駢車上古原。當日神功開紫  
極，百年仙寢鎖黃昏。騷人幽怨留湘浦，駿馬長鳴戀  
薊門。還羨鄴宮歌舞妓，一生猶及奉君恩。



每到花時不在家

悠悠駑馬到天涯  
游子經年正憶家  
客路又生愁裡  
草鄉園幾落夢中  
花生憎春色欺霜  
髮不分歸期後  
歲華佳節易闌身  
已倦杖藜斜日送  
棲鴉

徙倚湖山欲暮時

登臨何處破愁顏  
千尺危樓尚可攀  
無奈夕陽沉遠  
浦強將衰髮對秋  
山天低平楚微茫  
外目極層瀾浩  
渺間從古凭軒流  
涕地正須佳句動  
江關

病後書卷作良醫

門掩春風卧藥廬  
閒中遮眼幾編書  
沉疴坐覺成消



散靈藥須知在卷舒草檄雄文真可喜觀濤幽興復  
何如仍思前哲砭愚旨嗟爾俞倉術太踈

拜杜鵑

以鳥鳴春亦偶然少陵何意感傷偏孤臣再拜衣冠  
整獨夜三聲涕泗連理或變常天孰問忠唯寓物志  
堪憐暮雲弦月還詩句不但關心有杜鵑

遭亂始知昇平樂

平居未解樂昇平投老追惟愧半生荼齋備嘗方識  
味春秋迭代自傷情仲宣作客思歸賦子美哀時憶  
昔行難忘午橋橋上飲笛聲花影到天明



舊家燕子傍誰飛

草長江南燕子飛又隨春色到烏衣樓臺簾幕依依  
是王謝風流事事非冤劇啼鵲無處訴情同化鶴為  
誰歸若為嘶盡西山石愁聽宮潮蕩夕暉

筑中鉛

荊卿袖裏劍成虹一寸分留付筑中國破家亡心未  
死身殘處穢氣猶雄殺聲坐變清商曲迅電晴馳白  
帝宮知己九原差不負莫言當日壯圖空

杖頭錢

食萬終須一飽休腰纏謾說上揚州何如桃竹隨閑



步自有青蚨在上頭身世醉鄉聊可托尋常酒債未  
應愁君家校尉稱賢達底事窮途亦涕流

### 大殿春帖子

春信何曾待歲除窮陰轉作發生初陽和已遣輕寒  
讓瑞日仍看化國舒秦地遺風銀剪勝漢宮恩赦紫  
封書深慙獻帖無新語強掇歐公諷諫餘

### 其二

梅萼排寒媚上春玉盤傳菜出重宸星回泰運知環  
復德合天心驗日新晝接佇看開虎觀早朝方擬趁  
雞人吾王無疾臣民祝不待車音喜已均



大妃殿延祥詩

王母挽花又一春  
千門喜氣逐時新  
喬天共荷資生德  
蠢動咸依撫育仁  
陳女椒盤遺俗遠  
漢宮銀勝寵頒均  
臣民拜獻南山壽  
長仰軒星繞北辰

其二

旭日初昇禁苑東  
花枝已動昨宵風  
軒星色借招搖轉  
樓雪寒從喜氣融  
壽頌南山纔仗外  
春隨陰化盡寰中  
漢家只說含飴樂  
盛德今看萬福同

南溪雜興

春半金城草未生  
蕭條驛路少人行  
陰雲接地天常



曉積雪，渾山夜亦明。復峽難通千里夢，四時長作九  
秋情。唯憐一曲南溪水，萬古清如楚水清。

其二

孤臣淚灑峽江流，暇日難銷去國憂。卧病窮山逢二  
月，憶隨仙仗賀千秋。風搖玉佩花間落，雲結金爐殿  
外浮。朝罷委蛇歸院路，掖垣西畔鳳池頭。

其三

數村山驛掩荆扉，默笑平生萬事非。受袂明時為逐  
客，霑衣昨夜夢慈闈。庭邊細草迎春色，籬外寒流漾  
夕暉。無限亂峯天際合，不知何處望雲飛。



其四

南溪殘日下高春溪上群山紫翠重目送行人臨古道步隨芳草信孤筇靈脩夢隔盈盈水慈母衣傳密密縫亦識仙區聯咫尺未能輕躡遠遊蹤

其五

小臣無狀忝簪纓環顧尋常面發驛編驛已多蒙聖澤買牛聊欲作流氓春來滿地文無草窓外三更杜宇聲魂夢不知明主意強隨殘月度西清

其六

風煖雨香春暮天前溪澹澹欲生烟弄晴沙鳥各自



媚入眼花枝殊可憐  
母病妻憂歸不得  
山長水遠信難傳  
扶藜獨立三分路  
欲待尋思已惘然

無題

天上星辰下界塵  
瑤姬何事峽江濱  
非關一字黃庭誤  
尚憶三時電笑新  
幽佩空山徒自媚  
朝雲暮雨竟非真  
緘書為問同宮女  
碧海蟠桃又幾春

送江陵使君李梅澗

盛世方知刺史榮  
况聞州府似蓬瀛  
霜臺白筆今能在  
鏡浦寒松且細評  
長孺偶然辭禁闥  
玄暉猶得領宣城  
流傳篇什翻多事  
久矣人嫌抗疏名



其二

停杯却憶十年前  
幾向花磚步武聯  
俛仰人間唯涕淚  
去留天末各風烟  
海隅日月鄰三島  
湖上樓臺說四仙  
此地從來堪避世  
隨君擬買沃州田

其三

已辨身爲不繫舟  
任他溝水有分流  
年光晚晚鳴禽變  
關塞蒼茫去馬愁  
幾處晨星看落落  
邇來吾道轉悠悠  
憑君別寄加餐字  
聞說滇州近陟州

東城

東城南陌宛相通  
月榭花樓更幾重  
神女閑愁三峽



雨荆王殘夢五更鐘春蚕欲起染新綠野雉和鳴麥  
正濃一自歌傳黃竹後可憐天厖老飛龍

竹洞夜會歌伎

紅燭青尊煖似春急絃哀唱杳難分多生疑有揚州  
夢何處飛來楚峽雲長樂殘鐘風細細章臺歸騎月  
紛紛滿堂詞客饒佳句須向旗亭側耳聞

趙判書珩挽詞

角巾藜杖故尚書清福無非聖渥紆遺老小齋仍  
舊築耆英佳會更新圖風霜滿地秋香晚染海驚心  
魯殿孤乘化憺然何所憾不堪時事轉艱虞



張判書善繼挽詞

相門清議冠朝紳元舅尊仍國蓋臣歷職何嘗輿望  
外秉心如在布衣辰明時涕淚危衷激泉路光輝異  
渥新屈指古來恩澤表身名能復幾完人

送密陽李使君次山

名嵇

尺地心勞緣抱瘵芳時鬢變為離群舊遊忽忽翻疑  
夢客路駸駸又送春大嶺東南多瘴氣高樓西北有  
浮雲贈君努力加餐飯書札兼應問故人

送姜校理叔夏擢守鍾城

侍臣增秩領邊州千里龍荒玉陛頭壯志已輕雲嶺



險惠聲應共豆江流平郊快馬秋觀獵紅燭青蛾夜  
打毬遙識政成饒樂事愁城從此不須愁

送李彞仲大諫按節嶺北

與余晉為承旨大諫  
余以不職適大諫李

首發函人  
正刑之議

委蛇華省燕違鴻何況關河路不窮白筆拈來曾變  
色牙旗隨處自生風春迴沙磧耕桑遍雪外封疆鎖  
鑰雄贈別頗嫌歐九俗金釵玉麈語徒工

其二

城川之水向東流上有如霞百尺樓燕趙古稱游俠  
窟沛豐元是帝王州平時行樂看遺俗此地分憂得



我侯喚作癡兒無不可酒籌何惜作邊籌

和彛仲大學士詠陶硯

石友論交舉世同弘農寂寞舊家風雲孫再啓人文  
地崑玉還成劫火中坐使詞場添氣象從知藝苑有  
宗工墨池鵬掣諸公語攀和真慙類二虫

洪監司柱三挽詞

世途翻覆足危機八九年間幾局碁因病得閑殊不  
惡乘流遇坎復奚疑銀臺王署成陳迹棠路桐鄉見  
去思驥滯鵬垂從古歎剩留餘慶付瓊枝

李參贊弘淵挽詞



補鶴鞋犀爛寵章 聖恩優老出尋常者英席上精  
神旺宣政班中進止詳四路風謠懷邵伯三朝齒德  
仰靈光古來華屋山丘慟短什那能寫苦腸

洪判書處亮挽詞

江海襟期山澤癯蕭然晚節據枯梧小庭花木無塵  
事耆社衣冠入畫圖郎席幾回承款款哀詞那得罄  
區區高文清德今難繼末學空嗟失措摸

宋叅議國澤夫人挽詞

天教懿德享高齡福履閨門世罕聆尊是 東朝外  
王母上應南極老人星板輿河縣終榮養龍劍延津



會爽靈題挽誰能禁感泣  
九重哀詔下丁寧

鳥嶺

白山南走三千里大嶺橫分七十城  
從古霸圖資割據至今殘壘未全平  
迎人青嶂重重出照眼丹楓樹樹明  
劒閣勒銘吾老矣停驂聊復賞新晴

雪後往觀鳥潭石門之勝是日仍留丹陽

十日驅馳半日閑茲遊猶得及秋天  
翛然昨夜連江雪疑是山陰訪戴舡  
恍已雲烟相嫵媚忘情魚鳥共周旋  
丹丘自昔神仙窟知有多生信宿緣

韓果川起愈大夫人挽詞



家邦鍾慶豈無因憶昨  
椒闈獻賀辰尊屬誰如外  
王母榮光頻送內厨珍  
向來倚伏真難詰浮世悲歡  
可重陳賻祔便蕃官庀奠  
聖朝恩澤泣姻親

次諸公危字韻奉呈金華洪尚書伯涵

名萬容

南巷離筵阻把危  
水亭花落負佳期  
百年灾疾侵尋裡  
七月炎涼代謝時  
夜永草虫如訴怨  
風高井葉已辭枝  
秋來為得寬懷抱  
暫閱諸公唱和詩

萬壽殿周甲之慶  
頒教後諸公各有詩  
追次其韻如月長圓  
日不斜千門喜氣結  
為霞琅函擎進封雲  
錦丹詔催題爛墨花  
東漢舍飴寧擅美  
西池戴勝撝



西河集卷四  
十一  
虛誇天迴甲子今方始自此三元轉覺賒

梅澗尚書冠子之席次諸公韻

芝蘭三秀謝庭邊令季偏承膝上憐吉日加冠遵古  
禮尊賓酌醴祝遐年催呼華饌成嘉會爭覩台星照  
綺筵復有諸公詩句好他時盛事許流傳

其二

駱峯西畔小塘邊柳嫩花嬌各自憐物色三春餘一  
日前宵好雨驗豐年爭分綵幅題瓊什不用紅裙踏  
舞筵可耐夜闌騎馬去禁城鐘鼓醉中傳

送北評事金仲和名昌



相門才子玉堂仙暫許從我赴朔邊客路相隨清禁  
月征驂回望白雲天亦知阮瑀能書記正要淳夫在  
法筵瀚海陰山雖壯觀紅蓮綠水莫留連

尹忠州嘉績挽詞

君曾花縣我湘浦五馬荆扉盡日留往事追惟疑夢  
寐中年離別隔明幽浮雲零落琴臺暮素紼歸來峽  
水秋遙想棠陰遺澤在南州士女淚長流

永安尉遷葬挽詞

洪公柱元

文優華國志在時子敬真長詎等夷遂有太常歸美  
謚仍看大筆勒豐碑洛川漢水交流地雙劍重泉會



合期得御龍門疇昔感十三年後復哀詞

送擇之表兄赴燕

黃勉齋與中表兄弟  
歲會于天寧浮屠

春蟪夏荔天寧約百遍相從意未闌可得浮生無聚  
散不堪時事轉艱難吾人中歲鬢毛換臘月窮邊冰  
雪寒殊俗逢迎須慎語客程努力且加餐

奉送南相公赴燕

名九萬

雪雲霾雨遼東塞丞相頻年此地行未必安危關使  
事聊從夷險效忱誠朝廷今日須公論田里何時息  
怨聲但得大家存惻怛憂虞猶足轉昇平

明安公主挽詞



唐樓花萼之申岐南國穠華棣一枝友愛 王家曾  
未有柔嘉夫族共稱宜沈疴莫續端陽縷遠日才經  
七夕期冒熱 鑾輿桃菊屏羣臣感泣路人悲

任監司文仲挽詞

素紼都門風露秋是非榮落儘悠悠清時敢怨禽三  
黜公論真同貉一丘憂世江湖添白髮就醫京國少  
青眸免鄉小築成陳跡依舊烟波漾釣舟

張判書遷葬挽詞

昔我曾爲殄瘁章維時時事足悲傷憂虞十載何當  
解忠憤重泉可得忘相府風聲今寂寞江樓秋色日



西清集卷四  
荒涼新阡舊城應餘慶撫古難禁涕泗滂

慈秀站

攢雲蒼壁驛亭幽十頃澄波靜不流盛世衣冠那復  
見西關物色捻深愁羸駝落日傷心地黃菊丹楓滿  
目秋景是翰林遺蹟在只教苔蘚護銀鈎

宣府秋盡日

秋盡鄉關闕寄聲况經寒雨少人行年光冉冉老將  
至鴻鴈連連飛且鳴破屋題詩燈燼暗空庭散步斗  
杓傾邊城歲晚無芳草霜菊猶堪採落英

其二



西出國門千里強龍濟鶴野接封疆川原綿邈欲何  
極客子謳歌殊未央博望乘槎雲海濶延年死節姓  
名香亦知此地宜登眺撫古其如涕泗滂

劍山僧天祐乞句題贈

行止悠悠懶問天猶從釋子話因緣多生未了空門  
債老去聊為漫興篇山雨欲來燈有暈海潮初落月  
成弦金文誦罷應餘暇珍重良宵對榻眠

次李甥養叔見寄難字韻

名願命

聖君天覆嚴程近慈母年高別語難空有微誠懸社  
闕不堪斜日迫西山書傳驛使歲行盡春動邊城風



更寒冰雪崢嶸江海濶杖藜矯首片雲還

新春

天涯風俗似鄉園蹴踘撈蒲動四隣何日門閭歸綵  
服孤臣關塞見青春浮雲欲度嘉山嶺滄海應通漢  
水津強把新詩寫懷抱寒窓殘燭易傷神

塞上

塞上黃雲日易斜愁人何處望京華空山自掛經心  
月獨樹還開濺淚花千里驛書憑定省五更鄉夢當  
生涯深知嶺海容吾道追逐前脩莫怨嗟

落木



落木無邊下遠山一年秋事已闌珊  
乾坤定向南溟盡鴻鴈虛從北地還  
自笑新篇餘舊習不妨時菊映  
衰顏相隨案上眉山集嶺海風流可許攀



西浦先生集卷四



西浦先生集卷五

五言絕句

擬子夜歌

春深樹發艷日長人御袂鶯啼祗繞花歡醉定戲妾

其二

文縠薄如霧穠肌明照耀脫却珠翠繁捲得雙鬟小

其三

常矜顏色艷祗把芙蓉比已看芙蓉花萎落秋江水

其四

郎言妾顏白大勝雪花白細窺臺上鏡方知郎語的



西泠集卷五  
明月

明月此時見團團上鳳池祇能明似鏡不解照蛾眉

弘慶寺碑

曠野草如積禪宮有廢基時看行路客下馬讀殘碑

其二

水雲澹落日秋草埋殘碑至今弘慶寺唯有白家詩

暗行時作

土木被簪紳雖榮不是真麻衣仍草笠還我本來身

其二

主人且莫嗔客子請具陳自昔問津者東西南北人



其三

主客夜深語油燈照壁明  
千金翻易得難得長官清

其四

九月二十五慈親初度日  
兒生三十五今歲初離膝

其五

曉月看看細秋花稍稍殘  
離家纔十日蘸水已衰顏

其六

細細草間路濺濺澗水聲  
橫參與落月伴我向西行

其七

時驚馬上夢暫息樹邊身  
白鳥不愁思雙飛故近人



其八

下馬稻田畔坐聽流水聲不愁西日晚林外亂烟生  
正月二十七日拜別慈親赴配所

吞悲腹中結行子別母情情知啼不可索笑從底生

過道峯

溪水潺潺響山雲黯黯垂孤臣北去路獨過靜菴祠

對案

青蘋文無草紅煎杜宇花客盤聊獻頌何日定還家

春詞

深院一鶯啼朝陽在簾額春風去還來稍見楊花積



其二

曲逕芳草侵墮蕊春風送窓外鳥聲多喚起窓間夢  
詠琴題詩稿

秋夜正沉沉淒風拂玉琴獨彈還自賞何必有知音  
梅澗示病閱月室中有盆梅花發臘前春色盡  
然此殆喜兆謹次諸公賞梅詩韻以致區區之  
意云

多病維摩室盆梅瘦似人懸知有起色冷蕊已迴春



西浦先生集卷五



西浦先生集卷六

七言絕句

擬烏棲曲

菰葉參差暗別浦  
羅裙紅濕楊柳雨  
不共隣女採江蓮  
還向江頭望歸船

其二

翡翠為帷金作屋  
明眸素腕嬌紅燭  
雞鳴庭樹郎欲行  
起來窓前視明星

因送人自豆浦舟至漢江

送客東湖雨未收  
微茫宿霧漲沙洲  
鳴榔十里衝晨



西清集卷六  
去隔水楓林起白鷗

其二

衰柳童童列遠浦  
平沙渺渺晚帆多  
冒雨人人青蒻笠  
隨波處處竹枝歌

其三

浸江絕壁僅千尺  
隔岸人烟分數洲  
復有樓臺銜暮景  
朱甍一一照清流

其四

梨花亭子昔聞之  
不見梨花映雪時  
紅樹千林如畫出  
未應春色獨稱奇



其五

公子亭空漢水流  
長留明月使人愁  
休說鳳皇當日  
曲石娥春色亦荒丘

其六

濟川亭下逝水空  
賓主風流在眼中  
十載兵塵冠蓋  
絕荒墟衰草自秋風

其七

隔水呼船渡水人  
西風盡日吹沙塵  
江南行客今朝  
發一曲陽關淚滿巾

其八



西齋集卷下  
二  
半陰半晴風捲雨船北船南江潑油  
潑微陽翻浪色層層雲影滿中流

其九

纔見漁人理釣竿銀絲細細已盈盤  
十里江天歸路晚復呼春酒禦輕寒

其十

江上人家水映戶臨江洗菜蘿莖青  
舟人乞得數根白知我食魚牙齒腥

丁酉九月落第後作

未必君恩偏誤妾自嗟顏色不如人  
歸來試照菱花



影莫向春風浪濕巾

咏牛女

洞裡神仙一局棋紅塵日月塚累累天上只應朝暮  
會人間看作隔年期

城樓

帆檣簇簇擁長堤丹檻憑空白日低渺渺汀洲春欲  
盡杜鵑花落錦江西

瑤池詞

閨風積石西復西赤水遺珠從古迷誰傳少廣真人  
坐穿盡周王八馬蹄



其二

層城十二自相望琪樹瓊林迷處所仙家自失蘇四  
郎方朔公然偷桃去

其三

東方曼倩是知津西極新來汗血馬玉臺閭闔徒絃  
歌邦不來繫碧旌下

秋日直玉堂有懷李副學惠仲弟兄

江湖消息近何如西掖梧桐影漸疎誰復梁園居客  
右相如去後席猶虛

惠仲遷長官後銓曹  
以乏人不出代累月

其二



二女飄飄在漢臯月中瓊佩望迢迢無情烏島城邊  
水猶向龍山早晚潮

豆浦舟中贈別仁同李使君惠仲

一疏非關漢大臣賈生流涕為君民東江水色清堪  
濯莫謾投書吊古人

癸丑九月十三日自禁直請對入侍因以朝衣  
詣理翌日有定配之命獄中作絕句

風聲撼戶壁燈殘隙月窺人夜向闌自是栢臺霜氣  
早青綾猶道玉堂寒

栢臺借  
用坡詩

其二



西河集卷六  
四  
趙國才人別玉階蛾眉不掃淚凝腮猶從隣女誇恩寵昨夜叢臺侍寢迴

其三

夢躡紅雲拜紫皇身隨明月度瀟湘無勞夢客蘭為佩携得金爐滿袖香

謫居金城聞楓岳距本邑屬縣通溝纔七十里  
春來夜夜羈人夢不是湖中是洛中楓岳山靈故相惱有時挽向海天東

其二

宿昔摩挲山水經通溝東去短長亭漢南客子春心



亂知是雲翹隔錦屏

謫中伏聞 王大妃殿昇仙訃音不敢作挽以  
俚語綴韻

二月二十有四日恭聞 聖母棄臣民深山窮谷共  
哀慕何況鑾坡舊侍臣

其二

繫臣蹤迹阻周行伏哭窮山痛肺腸 誕日問安如  
昨日淚霑宣賜舊盤囊

其三

四殿問安宣政門邦家福慶頌千春餘生異日瞻天



日長樂鍾聲忍重聞

春盡

南谿春水已平堤  
烟草茫茫路欲迷  
山鳥一聲山日暮  
亂紅飛度小橋西

其二

山上繁花一萬枝  
風搖雨打滿天飛  
聲聲蜀魄少意思  
喚送春歸人未歸

絕句效蘇體

草根絡緯難成見  
錦字迴文強擬歸  
宛轉文羅何限涕  
逡巡骰子一回悲



絕句緝唐人語

重幃深下莫愁堂  
海燕雙棲玳瑁梁  
聞說春來倍惆悵  
不將清瑟理霓裳

蒙宥放還

正月行人四月歸  
孤臣感淚萬行揮  
從今脫却芟荷服  
試拂平生五綵衣

天壽院用古人韻

故國秋深霜葉飛  
山川滿目市朝非  
傷心天壽門前水  
流盡繁華去不歸

送金川韓使君斗愈



西清集卷六  
欲晴不晴秋天雨欲發未發西州客請君安坐聽離  
歌前路無多碧蹄驛

其二

天磨瀑布名天下太白與公讓一頭歷數東方三百  
郡故人五馬最風流

其三

姑姆之潭一萬丈鮫人宮闕架空明使君造次休相  
問神女前年嫁朴生

其四

南望山城杳靄邊飛芻轉粟上青天艱難天險真堪



恃憐悴民生亦可憐

其五

馬度松京草木秋興亡百變水東流斜陽滿月臺前路任是無愁亦自愁

其六

猪灘水入碧瀾渡有客江頭攬木蘭聞說秋來倍悵悵憑君一欲勸加餐

時南公二星謫居白川

東村酒席金斯百因事先起翌日寄

來何緩緩去恁恁紅袖琵琶曲未終玄武鉤陳雲影裡可能無夢到城東

聞其夜宿精抄廳



其二

我緣多病君多事肝膽無違顏面踈尚憶玉堂持被  
日夜深殘燭共看書

聽臨瀛妓唱翰林別曲有懷李使君

臨瀛消息近如何關嶺連天霰雪多玉署從遊如夢  
寐佳人休唱翰林歌

送人之湖南

百濟城邊見鴈飛湖南行客淚霑衣秋風馬度清江  
水夜雨人敲白竹扉

大堤詞



送君南去路悠悠聞說襄陽漢水頭多少樓臺烟雨  
裏紅欄干繫木蘭舟

其二

大堤楊柳春堪織大堤女兒顏如玉春風吹送唱歌  
聲歌聲盡是迎郎曲

其三

水國秋深柳葉殘遊人殊未憶長安青尊紅燭留君  
飲不道金風白露寒

其四

宜城美酒甘如乳大堤女兒工數錢夜永酒闌江月



西齋集卷六  
白琵琶又上何人船

無題

曲曲迴簷短短墻月明花影在西廂誰知此日東鄰  
子曾是當年夜度娘

其二

河中流水水邊花花外樓高燕子斜蘭室桂梁香似  
霧莫愁猶自夢東家

宮詞

承華宮闕近青冥絳節霓旌集廣庭碧實自來稱上  
藥可能兼解壽生靈



其二

雜劇陳來似有神龍宮萬舞妙臺雲瓊瑤桃李情長  
短山木歌聲動鄂君

其三

不遣神珠度綵門蟾宮要得桂留痕探來岐薛心中  
事紈綺相隨舞袖翻

其四

風裊歌聲聲不定纔聞北闕又東廂知君不之纏頭  
錦可是無心學呂強

送安邊申使君寅伯名最



西溪集卷之六  
閉門憐子頻中聖多病嗟吾強學禪等是人生不相  
見任他關嶺遠連天

其二

南溟逐客愁炎瘴西塞游人望白雲青蓋影中嘶五  
馬吾儕行色少如君

其三

春風東閣花如雪檀板佳人玉作聲蘆酒千鍾堪一  
醉使君何必憶秦京

寄湖南李按使伯吉

名師

凌烟閣上畫圖時綠鬢紅顏始有髭此去光輝人更



羨周郎三十擁旌麾

其二

全羅一道國根本 上遣勲臣撫遠人  
看取富公何似業 一生唯說賑飢民

醴泉客舍

留客華軒秋日午 朱絲解作黃鶯語  
無端門外角三聲 忽復恣恣騎馬去

覺華寺見菊花

手栽叢菊繞堦斜 花欲開時不在家  
贏得游人歸思切 禪房霜後數枝花



西清集卷六  
奉使嶺南九月二十五日作

每歲慈親初度日弟兄相對舞衣斑  
弟今奉使違親膝多恐親心未盡歡

金生昌立挽詞

玉樹芝蘭謝傳庭可憐春色幾枝榮  
邦堪宿昔墳麓響變作參差斷鴈聲

其二

弱歲奇才已絕倫建安詩格最清新  
他時鴈塔題名處失却風流第一人

其三



錢氏神方擅痘工中州談命說虛中如今此事都成  
錯終古無言造化翁

次西河大學士仙遊峯絕句

憑高依約見孤山人在歸雲落照間秋水蒹葭何限  
意寒潮空帶片帆還

其二

萬頃波濤一點山小亭孤絕白雲間生憎歲暮淮南  
樹留得王孫未擬還

其三

津頭烟雨暗空山晚晚秋期一水間借問高飛雲外



鳥上林深處幾時還

西河詩有高飛獨鳥穿雲去欲向何山盡日還之句借問一作

寄語幾時一作莫忘

李生興朝室內挽

潘郎謝女正青年公姥逢人說婦賢  
百事美來無欠缺多生奈此短因緣

其二

幽朋去住路歧分此意纏綿可重陳  
玉雪嬌兒生五月憑郎留語累新人

其三

斂襲衣裳色色宜內間恩賜有光輝  
阿孃白首憑棺



哭憶昨中門結帨時

其四

百年成說十年間  
鬱鬱深深付碧山  
花誥榮光他日  
事可能泉下一開顏

厚陵奉審歸路遇雨

撲撲黃泥上馬鞍  
濕雲猶未露前山  
輕簑細雨陂邊  
路也是人生半日間

送梅礪尚書之任松都

香山得意詩千首  
晚節分司亦偶然  
誰把成虧問昭  
氏素琴從古本無絃



其二

故都物色非全盛只是青山與碧江  
正值春來詩思潤可能供得筆如杠

其三

霜臺出守他年事穢國山川亦舊都  
但得清朝公道在不妨蹤迹偶相符

九月二十五日謫中作

去年今日侍萱堂兄弟聯翩捧壽觴  
一落塞垣音信斷蘆山新塚已秋霜

其二



人間倚伏莽難推歌哭悲歡只一基遙想杜堂思子  
淚半緣死別半生離

其三

塞門殘月半窓明萬事關心睡不成夜夜林烏聽未  
了更堪雲外斷鴻聲

次普光僧雪洞韻乞佛書

客懷蕭瑟易成哀雪擁柴荆午未開謫裏相隨無二

友須君遠寄貝書來

東坡號陶韋集  
為南遷二友

雪洞借寄楞嚴圓覺詩以謝之

洞公知我晝饒眠為寄珠函貝葉編戰退睡魔三百



萬菩提樹影滿窓前

春盡謾興

春盡登山病不任  
詩成聊復一長吟  
浮雲解作千般態  
啼鳥時傳百種音

其二

山雨連旬未肯晴  
砌苔庭草漸妨行  
陂塘處處春波綠  
付與羣蛙盡意鳴

睡起

日長村巷午雞啼  
游子思歸夢易迷  
睡起小窓開眼見  
胡山祇在短簷西



初秋

初秋門巷盡蒼苔  
漠漠輕陰隱隱雷  
零雨謾傳悲織  
女行雲莫是自陽臺

在南海聞兩侄配絕島

蒼茫三島海雲邊  
方丈蓬瀛近接聯  
叔姪弟兄分占  
遍可能人望似神仙

己巳九月二十五日

今朝欲寫思親語  
字未成時淚已滋  
幾度濡毫還復  
擲集中應缺海南詩

冬至



萬木森森凍欲摧  
海風終夜吼成雷  
燈前有客讀周易  
地底微陽回未回

西浦先生集卷六











